

**OPĆINA NOVO SARAJEVO****Općinski načelnik**

Na osnovu sa članom 50. i članom 146. Statuta Općine Novo Sarajevo ("Službene novine Kantona Sarajevo", broj 35/10) i člana 26. Odluke o izvršavanju Budžeta Općine Novo Sarajevo za 2019. godinu ("Službene novine Kantona Sarajevo", broj 1/19 i "Službene novine Kantona Sarajevo", broj 20/19), donosi se

**ZAKLJUČAK****I**

Odobrava se isplata sredstava iz Budžeta Općine Novo Sarajevo za 2019. godinu, u ukupnom iznosu od 500,00 (slovima: petstotina) KM, na ime Kodžaga Amra za finansijsku podršku za odlazak na globalno takmičenje Microsoft Office Speciaist World Championshipu u New Yorku (USA).

**II**

Sredstva iz tačke I ovog Zaključka, padaju na teret Budžeta Općine Novo Sarajevo za 2019. godinu - tekuće rezerve.

**III**

Navedena sredstva će biti uplaćena na transakcijski račun broj 3389002590528279 otvoren kod Unicredit Bank, nakon potpisivanja ugovora između Općine Novo Sarajevo kao davaoca sredstava i učenice Kodžaga Amre kao korisnika sredstava.

**IV**

Za realizaciju Zaključka zadužena je Služba za oblast privrede i finansija Općine Novo Sarajevo.

**V**

Zaključak će se objaviti u "Službenim novinama Kantona Sarajevo".

Broj 16-14-1731/19  
02. jula 2019. godine  
Sarajevo

Općinski načelnik  
**Nedžad Koldžo**, s. r.

Na osnovu sa članom 50. i članom 146. Statuta Općine Novo Sarajevo ("Službene novine Kantona Sarajevo", broj 35/10) i člana 26. Odluke o izvršavanju Budžeta Općine Novo Sarajevo za 2019. godinu ("Službene novine Kantona Sarajevo", broj 01/19 i "Službene novine Kantona Sarajevo", broj 20/19), donosi se

**ZAKLJUČAK****I**

Odobrava se isplata sredstava iz Budžeta Općine Novo Sarajevo za 2019. godinu, u ukupnom iznosu od 500,00 (slovima: petstotina) KM, na ime Tahirović Fatih za nabavku sportske opreme na Evropskom juniorskom prvenstvu u plivanju, koje će se održati u Kazanu - Rusija.

**II**

Sredstva iz tačke I ovog Zaključka, padaju na teret Budžeta Općine Novo Sarajevo za 2019. godinu - tekuće rezerve.

**III**

Navedena sredstva će biti uplaćena na transakcijski račun broj 1400740339885185 otvoren kod SBERBANK, nakon potpisivanja ugovora između Općine Novo Sarajevo kao davaoca sredstava i Tahirović Rabine (majka) kao zastupnika korisnika sredstava.

**IV**

Za realizaciju Zaključka zadužena je Služba za privredu, budžet i finansije Općine Novo Sarajevo.

**V**

Zaključak će se objaviti u "Službenim novinama Kantona Sarajevo".

Broj 16-14-1771/19  
04. jula 2019. godine  
Sarajevo

Općinski načelnik  
**Nedžad Koldžo**, s. r.

**OPĆINA STARI GRAD SARAJEVO****Općinsko vijeće**

Na osnovu člana 84. stav 3. Zakona o prostornom uređenju ("Službene novine Kantona Sarajevo", br. 24/17 i 1/18), člana 23. i 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), te čl. 84. Poslovnika Općinskog vijeća Stari Grad Sarajevo ("Službene novine Kantona Sarajevo", broj 23/14), Općinsko vijeće Stari Grad Sarajevo, na 29. sjednici održanoj dana 27.06.2019. godine, donijelo je

**ODLUKU****O IZMJENAMA I DOPUNAMA ODLUKE O  
POSTAVLJANJU FIRMI, REKLAMA I DRUGIH  
SADRŽAJA NA GRAĐEVINAMA I FASADAMA I  
UREĐENJU FASADA NA PODRUČJU OPĆINE  
STARI GRAD SARAJEVO****Član 1.**

U Odluci o postavljanju firme, reklama i drugih sadržaja na građevinama i fasadama na području Općine Stari Grad Sarajevo ("Službene novine Kantona Sarajevo", br. 1/11, 50/15 i 29/18), u članu 1. iza riječi "uredaja" dodaje se riječ "bankomata".

**Član 2.**

U članu 2. stav (1), iza riječi "kancelarija" dodaju se riječi "odnosno naziv firme pod kojim je takseni obveznik registrovan

kod nadležnog organa, sjedište lica, kao i broj ili naziv poslovne jedinice kada se firma ističe na poslovnoj jedinici"

Iza stava (1) dodaje se novi stav (2) koji glasi:

"(2) Istaknuta firma je oznaka, obilježje ili natpis na poslovnim i drugim radnim prostorijama, na fasadi građevine u kojoj se nalaze radne prostorije ili van gabarita te građevine, na ulaznim vratima, izlozima/portalima ili unutar izloga radnih prostorija, kojim se označava da određeno pravno ili fizičko lice obavlja izvjesnu djelatnost ili zanimanje."

Dosadašnji stav (2) postaje stav (3) i u istom se iza riječi "prostorije" dodaju riječi "uključujući i ulazna vrata i izloge/portale na radnim prostorijama", a iza riječi "jedan" dodaju se riječi "pod uslovima iz stava (4) ovog člana".

Dosadašnji stav (3) postaje stav (4), isti se mijenja i glasi:

"(4) Dimenzija istaknute firme ne može biti veća od 50 x 70 cm, u protivnom, ista će se, u smislu ove Odluke, smatrati reklamom, bez obzira što na radnim prostorijama ne postoji istaknut još jedan istovjetan naziv."

Iza stava (4) dodaje se novi stav (5) koji glasi:

"(5) Pravna i fizička lica obavezna su da, u skladu sa Zakonom, postave firmu na poslovnim prostorijama prije otpočinjanja s radom u istim, te im za navedene radove, u smislu ove Odluke, nije potrebno odobrenje od nadležne općinske službe."

**Član 3.**

Član 3. stav (1), dopunjuje se tekstom koji glasi:

"Može biti raznih dimenzija i oblika, izrađena od različitih materijala, svjetleća i nesvjetleća."

Iza stava (1) dodaju se novi stavovi (2), (3) i (4) koji glase:

"(2) Reklamnim panoom se smatra definisan panel koji služi za reklamiranje firme ili proizvoda, raznih dimenzija i oblika, izrađen od aluminija, plastike, eloksiranih profila i drugih ekološki prihvatljivih materijala. Može biti svjetleći i nesvjetleći.

(3) Displejem se smatra elektronski uređaj koji je sastavljen od ravnih panela (LCD ili PDP), medija plejera i sistema distribucije lajtova, koji predstavljaju mrežu prilagodljivih uređaja koji mogu biti upravljani elektronski ili upotrebom računara, a omogućavaju brzu izmjenu sadržaja na ekranu.

(4) Reklame i drugi reklamni sadržaji mogu se postavljati na fasadama građevina ili van gabarita te građevine, na ulaznim vratima, izlozima/portalima ili unutar izloga na građevini, te između fasada građevina, ukoliko, prema ocjeni nadležnog organa, za isto postoje prostorne mogućnosti i ukoliko iste, svojim gabaritom, izgledom i sl., ne narušavaju kulturno-historijske i spomeničke vrijednosti građevine."

Dosadašnji stav (2) postaje stav (5).

Član 4.

U članu 4., iza riječi "antena" dodaju se riječi "bankomata".

Član 5.

U članu 6., iza riječi "klima uređaja" dodaju se riječi "i bankomata".

Član 6.

U članu 15. stav (1), iza riječi "tendi" dodaje se riječ "bankomata".

Član 7.

U članu 16. stav (1), iza riječi "zastava" dodaje se riječ "bankomata".

Član 8.

Član 24. stav (1), isti se mijenja i glasi:

"(1) Za postavljanje, isticanje i održavanje reklama i drugih reklamnih sadržaja iz člana 1. ove Odluke, kao i za produženje važenja odobrenja za isto, investitor je dužan platiti Općini Stari Grad Sarajevo posebnu naknadu na godišnjem nivou, koja se obračunava i utvrđuje u postupku izdavanja odobrenja za izvođenje radova, odnosno u postupku za produženje važenja izdatog odobrenja."

U članu 24. briše se stav (2).

Dosadašnji stav (3) postaje stav (2), isti se mijenja i glasi:

"(2) Visina naknade utvrđuje se na sljedeći način:

a) Za postavljanje i isticanje reklama:

- visina naknade za fizička lica za postavljanje i isticanje svjetlećih reklama iznosi 50,00 KM/m<sup>2</sup> - mjesečno, a za nesvjetleće reklame 30,00 KM/m<sup>2</sup> - mjesečno i ista se uvećava za 20% za svaku narednu istaknutu reklamu na istoj fasadi ili građevini.
- visina naknade za pravna lica za postavljanje i isticanje svjetlećih reklama iznosi 120,00 KM/m<sup>2</sup> -

mjesečno, a za nesvjetleće reklame iznosi 100,00 KM/m<sup>2</sup> - mjesečno

b) Za postavljanje i isticanje reklamnih panoa i vitrina:

- visina naknade za fizička lica za svjetleće reklamne panoa i vitrine iznosi 80,00 KM/m<sup>2</sup> - mjesečno, a za nesvjetleće 50,00 KM/m<sup>2</sup> - mjesečno i ista se uvećava za 20% za svaki naredni istaknuti reklamni pano na istoj fasadi ili građevini.
- visina naknade za pravna lica za svjetleće reklamne panoa i vitrine iznosi 150,00 KM/m<sup>2</sup> - mjesečno, a za nesvjetleće 120,00 KM/m<sup>2</sup> - mjesečno i ista se uvećava za 20% kada se radi o marketinškim agencijama za promociju (reklamu i propagandu), koje istaknute reklamne površine daju u zakup trećim licima.

c) Visina naknade za postavljanje i isticanje displeja iznosi 500,00 KM mjesečno za displeje do 12 m<sup>2</sup>, odnosno 600,00 KM mjesečno za displeje preko 12 m<sup>2</sup>.

d) Visina naknade za postavljanje i isticanje transparenta, plakata i reklamnih jarbola iznosi 15,00 KM po danu.

e) Visina naknade za postavljanje bankomata na fasadama građevina u kojima se ne obavlja djelatnost podnosioca zahtjeva/banke, iznosi 300,00 KM mjesečno."

Dosadašnji stav (4) postaje stav (3), a dosadašnji stav (5) postaje stav (4).

Član 9.

Iza člana 25. a dodaje se novi član 26., koji glasi:

"Član 26.

Izuzetno od primjene odredaba ove Odluke izuzimaju se stari i tradicionalni zanati registrovani na području Općine Stari Grad Sarajevo."

Dosadašnji član 26. postaje član 27., član 27. postaje član 28., a član 28. postaje član 29.

Član 10.

Stupanjem na snagu ove Odluke prestaje primjena Zaključka Načelnika Općine Stari Grad Sarajevo, broj 01-05-4-484/11 od 14.02.2011. godine i Cjenovnika o visini naknade za postavljanje firmi, reklama i drugih sadržaja na građevinama i fasadama na području Općine Stari Grad Sarajevo, koji je njegov sastavni dio.

Član 11.

Ova Odluka stupa na snagu narednog dana od dana objavljivanja na oglasnoj ploči Općine Stari Grad Sarajevo, a naknadno će biti objavljena u "Službenim novinama Kantona Sarajevo".

Broj 02-49-266/19  
Juni, 2019. godine  
Sarajevo

Predsjedavajući  
Općinskog vijeća  
Stari Grad Sarajevo  
Samir Muhić, s. r.

Stavljeno na Oglasnu ploču 03.07.2019. godine.  
Skinuto sa Oglasne ploče 10.07.2019. godine.

## OPĆINA VOGOŠĆA

### Općinski načelnik

Na osnovu člana 71. Statuta Općine Vogošća ("Službene novine Kantona Sarajevo", broj 27/14 - Prečišćeni tekst i 14/15) i člana 5. Odluke o izvršavanju Budžeta Općine Vogošća za 2019. godinu ("Službene novine Kantona Sarajevo", broj 1/19), Općinski načelnik donosi

### ODLUKU

#### O PRESTRUKTURIRANJU RASHODA U BUDŽETU OPĆINE VOGOŠĆA ZA 2019. GODINU

Član 1.

Odobrava se prestrukturiranje rashoda na razdjelu Jedinствeni općinski organ uprave a unutar potrošačkih jedinica: Služba za komunalne, poslove mjesnih zajednica i zajedničke poslove i Služba za boračko - invalidsku, socijalnu zaštitu i raseljena lica na sljedećim budžetskim pozicijama:

- smanjuju se sredstva na pozicijama: